

〔肥前風土記松浦郡〕大家島在郡西

昔者纏向日代宮御宇天皇行巡幸之時此村有土蜘蛛名曰大身拒皇命不肯降伏天皇勅命誅滅

自爾以來白水郎等就於此島造宅居之因曰大家島島南有窟有鍾乳及木蘭廻緣之海蛇螺鯛雜魚

及海藻海松多之

值嘉島在郡西南之海中

昔者同天皇巡幸之時在志式島之行宮御覽西海海中有島煙氣多覆勅遣陪從阿曇連百足令察之

島有八十餘就中二島島別有人第一島名小近土蜘蛛大耳居之第二島名大近土蜘蛛垂耳居自餘

之島並人不在於茲百足獲大耳等奏聞天皇勅且令誅殺時大耳等叩頭陳聞曰大耳等之罪實當極

刑雖被戮殺不足塞罪若降恩情得再生者奉造御贄恒貢御膳即取木皮作長蛇鞭蛇短蛇陰蛇羽割

蛇等之樣獻於御所於茲天皇垂恩赦放更勅云此島雖遠猶見如近可謂近島因曰值嘉島則有檳榔

木蘭梔子木蓮子黑葛篋篠木綿荷莧海則有蛇螺鯛鱒雜魚海藻海松雜海菜彼白水郎當於馬牛或

有一百餘近島或有八十餘近島西有泊船之停二處一處名曰相子之停應泊二十餘船遣唐之使從

此停發到美彌良久之濟即川原浦之濟是也從此發船指西度之此島白水郎容貌似隼人恒好騎射其言語異

俗人也

〔儀式十〕十二月大儺儀中事別天詔久穢久惡伎疫鬼能所々村々爾藏里隱乎波千里千里之外四方之堺東方陸奧西方遠值

嘉南方土左北方佐渡里與乎知能所乎奈牟多知疫鬼之住登加定賜比行賜氏下略

〔續日本紀十三〕天平十二年十一月戊子大將軍東人等言中以今月三日差軍曹海犬養五百依發

遣令迎逆人廣嗣之從三田兄人等二十餘人申云廣嗣之船從知駕島發得東風往四箇日行見島船

上人云是耽羅島也于時東風猶扇船留海中不肯進行漂蕩已經一日一夜而西風卒起更吹還船中